

(中華郵局特准掛號立券認爲新聞紙類)

中華民國十四年五月二十七日

第二百三十期

# 膠澳商報

## 本報價目

每週兩期 每期一角  
每月八角  
全年八元  
外埠每月加郵費四分

膠澳商埠督辦公署秘書處編纂股發行  
電話 公署分機 第十一號

# 目錄

## 命令

臨時執政令

- 膠澳商埠督辦公署訓令第四〇一號
- 膠澳商埠督辦公署訓令第四〇三號
- 膠澳商埠督辦公署訓令第四〇七號
- 膠澳商埠督辦公署指令第一一三〇號
- 膠澳商埠督辦公署指令第一一七七號
- 膠澳商埠督辦公署指令第一一九七號
- 膠澳商埠督辦公署指令第一二一七號
- 膠澳商埠督辦公署指令第一二一八號
- 膠澳商埠督辦公署指令第一二二三號
- 膠澳商埠督辦公署指令第一二三四號
- 膠澳商埠督辦公署指令第一二二六號
- 膠澳商埠督辦公署指令第一二二八號
- 膠澳商埠督辦公署指令第一二三〇號
- 膠澳商埠督辦公署指令第一二三二號

## 公牘

- 膠澳商埠督辦公署公函第二六一號
- 膠澳商埠督辦公署公函第二六三號

## 佈告

- 膠澳商埠督辦公署公函第二六四號
- 膠澳商埠督辦公署公函第二六七號

## 批示

- 膠澳商埠督辦公署布告第一七號

## 附件

- 膠澳商埠港政局業務經過概要（續第二百零二十九期）
- 山東青島地方審判廳民事判決

## ▲命令▼

### 臨時執政令

農商部呈秘書鄭湊王肇基劉桂龍潛懇請辭職均照准此令

農商部呈請任命陶昌善牛爾裕蔡連辰王瀛傑爲秘書均照准此令

陸軍部呈請任命胡德隆爲察哈爾都統署軍務課課長扈天魁爲軍需課課長均照准此令

中華民國十四年五月十七日

派汪守珍充國民代表會議籌備處秘書長此令

派王未鍾賡言兼國民代表會議籌備處評議此令

派王源瀚張軫駱通曾毓煦黃國勳王仁載充國民代表會議籌備處評議此令

籌備國民代表會議事宜許世英呈請命任廖熙元楊乃康李鴻任傳榜李其荃李思沅舒翎廉隅劉人傑劉子任爲秘書均照准此令

籌備國民代表會議事宜許世英呈請任命何崇傑惠恩濟楊維新王紹沂邱慶庚爲科長余崐劉德涵劉契

蘇廖毓元許廉爲副科長均照准此令

派師景雲爲軍事善後委員會事務處處長此令

派張名振爲財政善後委員會事務處處長此令

曹樹桐授爲陸軍中將陳鈞黃殿臣均加陸軍中將銜周效勃程步墀丁勤略均授爲陸軍少將武九清授爲

陸軍步兵上校並加少將銜柴蘭芬授爲陸軍步兵上校何炳華刁鵬翹均加陸軍軍需監銜陳增晉授一等

軍需正此令

陸軍部呈請授王恩普孫嘉祿姬龍山爲陸軍步兵少校均照准此令

茲制定國政商權會條例公布之此令

國政商權會條例

第一條 臨時執政為備諮詢國計民生及一切應興應革事項起見設國政商權會

第二條 本會置會長一人副會長二人由臨時執政特派會長綜理會務副會長襄助會長整理會務會長有事故時由副會長依次代理

本會會員由臨時執政簡派或聘任以富有政治或特種行政之學識經驗者為合格

第三條 本會會員分股討論關於國計民生及一切應興應革各事項

各股股員由會長指定並得就會員中指定主任但副會長應兼任一股以上之主任

第四條 本會討論事項由臨時執政特交或由會員提出

討論事項均由會長分配於各股

第五條 本會各股討論方法及辦事細則由會長定之

第六條 本會各股討論事項經決定後由會長核呈臨時執政

臨時執政認前項意見足供採用時得發交各主管官署核辦

第七條 本會設秘書廳置秘書長一人由臨時執政簡派綜理本會秘書廳事務監督所屬職員

秘書廳置秘書四人輔助秘書長辦理秘書廳事務

秘書廳置文書編輯調查會計庶務等科各置科長一人科員共三十人

秘書科長由秘書長薦派科員委派

秘書廳因繕寫文件及襄理雜務得酌用雇員

第八條 本條例自公布日施行

中華民國十四年五月十八日

禁烟一事關係至為重要政府諄諄誥誥不啻三令五申本執政出任艱危與民更始更不容留茲遺毒玷我新邦惟種植罌粟獲利較穀食為豐難保無徼倖之徒甘犯厲禁若不認真防範將何以維國信而衛民生應責成各省區軍民長官督飭所屬從嚴查禁一面由內務部將新訂各項禁煙法令通行遵照並隨時切實考

察勿任稍涉疏懈自經此次明令之後倘有不肖官吏陽奉陰違或地方痞棍劣紳營私骫法一經察覺立予嚴懲務期淨絕根株滌瑕盪垢用副本執政刷新政治之心而慰薄海喁喁之望此令

長江上游總司令王汝勤懇請辭職王汝勤准免本職此令

任命盧金山爲長江上游總司令此令

司法總長章士釗呈請任命王寶善爲河南高等審判廳庭長謝孝先爲河南高等審判廳推事萬宗周爲山西太原地方檢察廳檢察長錢協同爲山西太原地方檢察廳首席檢察官楊拱瞿鴻疇爲江西高等審判廳推事周致澤爲陝西高等審判廳推事馮致祥爲甘肅高等審判廳推事均照准此令

司法總長章士釗呈請任命盛世弼署京師地方檢察廳檢察官李棠署直隸高等審判廳庭長李廷俊署直隸天津地方審判廳推事翁贊年署直隸保定地方審判廳推事田美棠周錫九署直隸天津地方檢察廳檢察官張宗庚賀家燿署山東青島地方審判廳推事仇預署江蘇丹徒地方審判廳廳長馬壽華署湖北夏口地方檢察廳檢察長李光鄴署甘肅第一高等檢察分廳檢察官馬億銘署東省特別區域高等審判廳庭長彭永祥署東省特別區域地方審判廳推事均照准此令

中華民國十四年五月十九日

### 膠澳商埠督辦公署訓令 第四〇一號

令隸屬各機關

爲訓令事查森林事業關係人生至鉅既可養成木材供給社會需要復能調和氣候點綴地方風景其直接間接所得之利益良非淺鮮本埠崗嶺起伏林木繁密自接收以來迭經本署提倡保護通行各機關飭屬遵照在案所有崗埠各界人等自應共同遵守以冀養成森林保存地方原有風景乃近據報告附近市內林木暗被軍隊及保安隊兵士暨無知愚民砍伐甚夥如果屬實殊爲不合茲爲救濟起見亟應從嚴取締以資發育而期茂盛除分函

青島戒嚴司令部

渤海艦隊司令公署查照飭屬查禁保護並通令各機關一體遵照外合行令仰該 遵照轉飭所屬一體查禁同加保護如敢故違定即嚴行查究毋謂言之不預也切切此令

中華民國十四年五月十九日

膠澳商埠督辦公署訓令 第四〇三號

通令各機關

爲令行事查戲園之設原爲提倡商業發達埠務中外各埠對於此項營業無不竭力保護故能永久存在不致時演時廢現組織戲園成本至鉅費用尤繁全賴收入開銷一切如果不取戲資任人娛樂則經理斯業者其又將何以支持故凡往觀劇之人自應照章購票以昭公道否則毋庸入場免至招人非議矧在職員尤當恪守恕道自重人格不宜妄自菲薄吝此票價妨礙他人營業風聞近有各機關人員每至各戲園觀劇抗不買票發生齟齬情事是否確有其人抑係棍徒假冒事關僚屬聲譽虛實均應澈究以分涇渭除派員嚴密查察並分函

青島戒嚴司令部暨

渤海艦隊司令公署以及

膠濟鐵路管理局注意前項情節飭屬查照遵行並佈告軍民人等一體嚴禁外合亟令仰該 轉飭所屬員司一體遵照嗣後公餘之暇觀劇必須購票入場不得藉故支吾吝惜小費尤應約束丁役慎遵此次訓令辦理倘敢陽奉陰違或明知故昧一經查出定即分別撤懲決不姑寬果係棍徒冒充機關人員在外招搖即責成軍警督察處隨時查拿送交警廳懲辦以儆效尤而維商業切切此令

中華民國十四年五月十九日

膠澳商埠督辦公署訓令 第四〇七號

令警察廳

爲令行事案據農林事務所呈稱竊查本埠第二公園及鐵房子一帶森林屢有盜伐情事迭經職所分函軍

警機關協助禁止並經面請督辦法取締在案乃迄今該處森林盜伐竊取曾不稍止復查該一帶為海陸軍警駐紮之區而鐵房子官產內住有軍警及工人眷屬甚為複雜職所林警無多權力有限晝夜巡查已覺困難自不能不賴軍警之力協助一切現詳加查驗並由鈞署監視號樹委員王福玉眼同點查計第二公園及鐵房子附近被盜伐直徑二寸以上之樹株共有五百四十八株之多在此軍警林立之區竟常有此盜伐情事不獨有礙瞻瞻實與名譽有關如不早行設法禁止林業前途實難設想除再加派員警晝夜勤加巡查隨時具報外所有第二公園及鐵房子附近盜伐樹株情形理合具文呈報伏乞鑒核設法嚴禁實為公便等情據此查本署前據報告附近市內林木暗被軍隊及保安隊兵士砍伐甚夥懇請設法嚴禁等情前來業經分函

青島戒嚴司令部  
渤海艦隊司令部飭屬查禁並通令各機關及該廳一體遵照在案茲據呈報前情除指令該所長督飭林警加意保護毋稍鬆懈外合再令仰該廳遵照轉令該管區署嚴飭長警加班梭巡認真查禁以重公物切切此令  
中華民國十四年五月二十一日

膠澳商埠督辦公署指令 第一一三〇號

令 警察廳

呈一件 呈報海關查獲原田丸私運手槍數目由

據呈已悉應予備案此令

中華民國十四年五月十九日

膠澳商埠督辦公署指令 第一一七七號

令 警察廳

呈一件 呈復遵查消防隊請添消防器具情形擬請照單購置由

呈悉據稱消防器具急需添購以備應用自係實在情形着即填具請求購辦書呈送來署再為擇要酌購發給具領可也仰即知照此令

中華民國十四年五月十九日

膠澳商埠督辦公署指令 第一一九七號

令 警察廳

呈一件 呈請規復教練所學警教練期間並擬添設募警講習所暨停辦警官傳習所情形由

呈暨章程均悉查警官講習所開辦以來成績尚佳現在第二班畢業之後其未經傳習警官據稱為數無多而且分駐防區傳調困難尙屬實在情形應准暫行停止如各該警官敷足一班時再為調所補習以重警政至請添設募警講習所一節自係變通辦法與前案名稱雖異事實相同並准作為試辦一俟警額補足後仍照向章辦理其經費一項該廳擬將停辦警官傳習所之費移作開辦募警講習所之用挹彼注茲事尙可行仰即補具詳細預算呈候核奪飭遵可也此令附件存  
中華民國十四年五月十九日

膠澳商埠督辦公署指令 第一二二七號

令公立南屯初級小學校  
呈一件 呈報招添學生人數由

呈册均悉應准備案仍仰將舊有各級學生退學留級以及編制班次所有科目等項分別填列表册尅日呈送來署以備攷查併即知照此令册存  
中華民國十四年五月二十日

膠澳商埠督辦公署指令 第一二二八號

令公立九水兩級小學校  
呈一件 呈為新建校舍工竣請派員驗收由

呈悉仰候派員屆時前往觀成並即驗收可也此令  
中華民國十四年五月二十日

膠澳商埠督辦公署指令 第一二二三號

令 觀象台

呈一件 呈請轉咨各省長飭令各縣填送地震報告表由

呈悉已據情咨請

各省長公署轉飭各該縣知事查照辦理矣仰即知照此令

中華民國十四年五月二十一日

膠澳商埠督辦公署指令 第一二二四號

令農林事務所

呈一件 呈報第二公園及鐵房子附近森林屢被盜伐請設法嚴禁由

呈悉案查前據報告附近市內林木暗被軍隊及保安隊兵士砍伐甚夥懇請嚴禁等情前來業經分函

青島戒嚴司令部 渤海艦隊司令部 飭屬查禁並通令各機關一體遵照在案茲據稱第二公園及鐵房子附近樹木被人盜

伐五百餘株之多常此以往殊屬不成事體除再令行警察廳轉令該管區署嚴飭長警加班梭巡認真查禁

以重公物外仍仰督飭林警加意保護毋稍鬆懈切切此令

中華民國十四年五月二十一日

膠澳商埠督辦公署指令 第一二二六號

令 港 政 局

呈一件 呈復擬訂新華公司掃海辦法請予核准由

呈悉詳核所擬掃海限制辦法尙稱周妥應予備案仰即轉飭該日商遵照辦理可也再查該日商係華新公

司非新華公司併即知照此令附件存

中華民國十四年五月二十一日

膠澳商埠督辦公署指令 第一二二八號

令 警 察 廳

呈一件 呈報船戶德萬順在沙子口迤東被劫情形由

呈悉查德萬順船失事地點雖在即墨縣管界之內惟案關海盜截劫自應不分畛域一體協拿以靜匪患而保商旅仍仰迅飭各署隊遴派幹警上緊偵緝務獲解究追贓給領一面由廳錄案並抄附失單函知該縣查照飭警嚴拿俾免盜匪聞風遠颺是為至要切切此令  
中華民國十四年五月二十一日

膠澳商埠督辦公署指令 第一一三二〇號

令公立埠落初級小學校

呈一件 呈報新舊學生及職教員履歷由

呈表均悉查核各表尙無不合准予備案仰即知照此令

中華民國十四年五月二十一日

膠澳商埠督辦公署指令 第一一三二一號

令公立姜哥莊初級小學校

呈一件 呈報撥移分校情形并再核發高級班開辦費由

呈悉仍仰凜遵前令辦理所請追加開辦費一節應勿庸議併即知照此令

中華民國十四年五月二十一日



膠澳商埠督辦公署公函 第二六一號

逕啓者查戲園之設原為提倡商業發達埠務中外各埠對於此項營業無不竭力保護故能永久存在不致時演時輟况組織戲園成本至鉅費用尤繁全賴收入開銷一切如果不取戲資任人娛樂則經理斯業者其又將何以支持故凡往觀劇之人自應照章購票以昭公道否則毋庸入場免至招人非議矧在職員尤當恪

守想道自重人格不宜妄目非薄吝此舉價妨礙他人營業風聞近有各機關人員每至各戲園觀劇抗不買票發生齟齬情事是否確有其人抑係棍徒假冒爭鬧僚屬聲譽虛實均應澈究以分涇渭除派員密查并分函

渤海艦隊司令公署  
膠濟鐵路管理局  
青島戒嚴司令部

查照飭屬遵行一面通令直轄各機關轉飭所屬遵照約束丁役懍遵此次訓令辦理以儆效尤而維商業並佈告軍民人等一體嚴禁外相應函請

查照飭屬遵行足紉公誼此致

青島戒嚴司令部

渤海艦隊司令公署

膠濟鐵路管理局

中華民國十四年五月十九日

膠澳商埠督辦公署公函 第二六三號

逕啓者查義機來青一案業經委派專員籌備一切並於本月十一日函請

貴部指撥的款以便辦理供給等因諒蒙

鑒及茲經擇定本埠前海水面爲降落地點即以小青島燈塔爲目標並飭膠澳觀象台每日二次由無線電

報告本埠氣候於該機以盡友誼應請

貴部轉達義國公使轉告該機長官知照俾知氣象又查前准

尊處函送臨時辦法第八條所載之各種飛航必要之證書以及空中規則本署無案可稽擬請轉飭所司每

種檢寄一份以備參攷至該機何日來華如飛抵上海時務請

貴部先期電告庶可及早籌備完善而免貽誤除分函

航空署 外交部 外相應函達

查照即希

見復足紉公誼此致

外交部

航空署

中華民國十四年五月二十日

膠澳商埠督辦公署公函 第二六四號

逕啓者案准

渤海艦隊司令公署函開以案准貴署第一九一號公函內開准駐青日總領事函稱以據報海軍陸戰隊連長石忠亮在益都路附近檢查日本僑民岡留氏之包袱衣袋請轉達嚴行查辦囑轉飭查明核辦並見復等因准此當即轉飭陸戰隊第一營營長王文泰查復去後茲據復稱飭查第二連連長石忠亮搜查日僑衣袋一案據該連長復稱本年三月二十三日黃昏時分連長因事赴鮑島行至益都路與章邱路交叉之轉角處突遇一年約七旬之日本人疾馳而過步履急促走避不及與之相撞伊幾顛撲連長急以手扶掖未至傾跌連長正擬前進問該日人竟追牽連長衣曉曉不休語既難曉又不釋手遂相將至日警所及奉天路派出所經舌人傳語始知該日人指連長爲小偷該日人並言先數日曾遇一類似此等情狀事故斷定復遇竊賊等語當經該所解釋誤會遂各無言而退等語營長審查再三該連長所稱委係實情等情具復前來據此照石忠亮身爲連長曾受軍事教育何致有此等無意之舉動據復各節確係出於誤會除嚴飭敵屬嗣後對待外僑務宜謹慎從事以重邦交外相應函復

貴署查照並希轉復實紉公誼等因准此相應函達

貴總領事查照是荷此致

駐青日本總領事館

中華民國十四年五月二十日

膠澳商埠督辦公署公函 第二六七號

逕復者案准

大部第一〇二二號函開請將青島造船廠全案抄送一份藉充編纂交通史資料等因准此查該項案卷當接收青島時日人並未正式交代惟港政局工務科內尚檢存有德人造船工廠機械目錄二張暨造機工廠機械目錄三張並原附青島造船廠位置草圖一張似於本案有關已飭科函調前來照式晒製一份相應函送大部查照以備參攷仍希見復是荷此致

交通部

計附送 造船工廠機械目錄二張  
造機工廠機械目錄三張  
原青島造船廠位置草圖一張

中華民國十四年五月二十一日

▲布告▼

膠澳商埠督辦公署佈告 第一七號

為佈告事照得戲園之設原為提倡商業發達埠務中外各埠對於此項營業無不竭力保護故能永久存在不致時演時輟况組織戲園成本至鉅費用尤繁全賴收入開銷一切如果不取戲資任人娛樂則經理斯業者其又將何以支持故凡往觀劇之人自應照章購票以昭公道否則毋庸入場免至招人非議豈可貪圖便宜觀看白戲匪特妨礙他人營業亦且問心難安風聞近日頗有冒充各機關人役每至各戲園觀劇抗不買票情事如果屬實殊屬非是亟應澈底根究以分皂白除派員密查暨分別函令各機關轉飭所屬遵照務宜約束丁役慎遵此次訓告辦理一面責成軍警督察處隨時查察送交警廳懲辦外合亟佈告本埠軍民人等

一體知悉嗣後無論何人到園觀劇必須按照人數一律購票入場不得藉故支吾吝惜小費倘敢陽奉陰違或明知故昧一經查出定即分別從嚴懲辦決不姑寬以儆效尤而維商業其各凜遵毋違切切此佈  
中華民國十四年五月二十三日

### ▲批 示▼

膠澳商埠督辦公署批令 第四九三號

具呈人市教育會

呈一件 呈報本月二十四日假齊燕會館開第二屆選舉請派員監視由

查該會前於接收後在熊前督辦任內呈請立案因內部發生爭執未經核准復請改組一年於茲迄未實行是根本即未成立今忽辦理改選事前又未來署呈報並不能遇事公開以至李金策等有來署呈繳會費之舉然則此項爭執仍未終止所請派員監視開票一節礙難照准况市教育會名義於部頒制度不合併仰知照此批  
中華民國十四年五月二十一日

### ▲附 件▼

膠澳商埠港政局業務經過概要

民國十四年二月上旬報 (續第二百二十九期)

一輪船出入

本旬繫埠輪船四〇隻六四，八六九噸離埠輪船三九隻六一，六九八噸與去年同期比較繫埠者增加一二隻註冊噸數增加二二，〇〇一噸離埠者增加七隻而註冊噸數減少一，五一四噸茲將本旬繫離輪船隻數噸數及所屬國籍區分於下

繫埠 中國船四隻四，〇二二噸日本船二二隻二八，六四六噸英國船七隻一五，六四三噸德國船二隻七，八〇二噸其他各國船五隻八，七五六噸

離埠 中國船五隻四，八七一噸日本船二二隻二八，六三四噸英國船六隻八，九〇一噸德國船二隻八，二三〇噸其他各國船五隻一一，〇六二噸

旬末船港輪船一〇隻一九，〇〇四噸計日本船五隻四，四六一噸英國船二隻七，九一二噸德國船一隻四，三七六噸挪威船二隻二，二五五噸  
 二輪船裝卸貨物

	去年	同期	本旬	增	減
出 口	二六、一三九、九		二四、四九三、四	△	一、六四六、五
進 口	九、二四八、一		一二、二四六、九		一二、九九八、八
計	三五、三八八、〇		四六、七四〇、三		一一、三五二、三

出口貨物

本旬輸出貨物計二萬四千四百九十三噸較去年同期減少一千六百四十六噸五其重要貨物為煙葉，鹽，雞蛋，煤炭，等茲將出口地別及增減數量分列於下

出口至日本內地之雞蛋，桐木，煤炭等，減少五千餘噸至其他各國之花生及其他等減少三百五十餘噸

出口至大連之煙葉，棉花，花生油，等增加一千餘噸至上海之花生，棉花，煤炭，等增加八百八十餘噸至香港之花生油，及其他，等增加一百二十餘噸至其他中國各埠之花生，花生油，等增加八百四十餘噸至朝鮮之各重要貨物則較去年同期無大增減

進口貨物

本旬輸入貨物計二萬二千二百四十六噸九較去年同期增加一萬二千九百九十八噸八就中以煤油海產類，紙類，為鉅額茲將進口地別及增減數量分列於下

由大連進口之高糧，海產類，等增加二百五十餘噸由上海之白米，麻袋，紙類，等增加四千一百餘噸由日本內地之砂糖，海產類，水泥，等增加四千二百餘噸由朝鮮之白米，砂糖，及

其他等增加八百二十餘噸由其他各國之煤油等，增加四千餘噸  
 由其他中國各埠之烟草煤油等減少五百八十餘噸由香港輸入之各重要貨物則較去年同期無多  
 增減

重要出口貨物噸數去年同期對照表

品 名	去 年 同 期	本 旬	增	減
花 生	七、二一八、三	七、二七五、一	△	五六、八
烟 葉	一、六八六、九	九三五、三	△	七五一、六
雞 蛋	九八六、四	五五〇、〇	△	四三六、四
牛 肉	四九三、二	四三二、五	△	六〇、七
鹽 類	二五〇、〇		△	二五〇、〇
啤 酒	五、〇	四六、七		四一、七
棉 花	八四五、八	六九六、九	△	一四八、九
草 辨	五一五、〇	三七九、二	△	一三五、八
牛	六、〇		△	六、〇
猪 牛 脂	七九、〇	一〇七、六		二八、六
生 熟 牛 皮	五八、七	四八、〇	△	一〇、七
豆 油		一、五		一、五
花 生 油	一三四、二	八九五、四		六六一、二

桐木	二、三三七、八	四八九五	△	七四八、三
焦炭	二六八、五	一九四〇	△	七四、五
煤炭	九、九二〇、〇	八、五七〇、〇	△	一、三三〇、〇

備攷 增減欄內記△符號係表示本旬減少之意

重要出口貨物噸數向往地別表

品名	大連	上海	香港	其他中國各埠	日本內地	朝鮮	其他外國	計
花生	〇、六	一三五、九		二二一、七	六三四、〇		六、三九二、九	七、二七五、一
烟葉	二九二、八	四二、九			五九九、六			九三五、三
雞蛋					五五〇、〇			五五〇、〇
牛肉	九、〇	二、五			四二一、〇			四三二、五
啤酒	三三、八			一一、九	〇、四			四六、七
棉花	五四、三	二七五、四			三五〇、一	一七、一		六九六、九
草辦		三三、三			二二一、五		一一四、四	三七九、三
豬牛脂					八五、一	二二、五		一〇七、六
生熟牛皮		一〇、三			三七、七			四八、〇
豆油			一、五					一、五

重要進口貨物噸數去年同期對照表

品名	去年	去年同期	本旬	增減
花生油	九五、七	四八、九	一八五、〇	五六五、八
桐木			四七九、七	九、八
焦炭			三、〇	一〇、〇
煤炭	六、三五、〇		二、四四五、〇	八、五七〇、〇
高粱			一七五、九	一七五、九
白米	七二、四		三四二、一	二六九、七
豆類	一、三		六、一	四、八
煙草	六一三、四		二六八、三	三四五、一
砂糖	一、六四一、六		二、〇六八、一	四二〇、五
海產類	四四、八		七六一、五	七一六、七
棉布	二五二、六		三六二、七	一一〇、一
棉紗	六三、一		三一、七	三一、四
煤油	五〇三、一		三、八四一、六	三、三三八、五
蔴袋	六二、六		五三六、三	四七三、七
木料	四四五、五		八〇一、二	三五五、七

紙類	三三三、六	一、八七六、九	一五五四、三
自來火	三、九	二、五	△
水泥		二八〇、六	二八〇、六
洋物雜貨	一八一、二	三一四、一	一三三、九

### 山東青島地方審判廳民事判決

一件 裴馮臣與李文松等房租及存款涉訟一案

主文

- 裴馮德應償還原告大洋十六元四角
- 金逢太應償還原告大洋十六元四角
- 裴張氏應償還原告大洋九元一角
- 藍人化應償還原告大洋十一元一角
- 李文松應償還原告大洋十元零二角
- 于振起應償還原告大洋四元三角五分
- 李廷選應償還原告大洋四元
- 張劉氏應償還原告大洋十一元
- 馬姚氏應償還原告大洋五元
- 張劉氏反訴駁斥

訴訟費用除關於張劉氏反訴部分應歸張劉氏負擔外其餘部分應報告分別按照上開應行償還債額比例負擔

中華民國十四年四月十八日

一件 劉書雲與毛振傳房租及遷讓涉訟案  
主文

被告應償還原告房租洋一百八十四元並遷讓所租東海樓之房屋  
訴訟費用由被告負擔

中華民國十四年四月二十日

一件 魏子奎與劉繼成債務涉訟一案

主文

上訴駁斥

第二審訴訟費用由上訴人負擔

中華民國十四年四月十七日

一件 德順泰號東與侯旭村貨款涉訟案

主文

原告之訴駁斥

訴訟費用由原告負擔

中華民國十四年四月二十一日

一件 呂子英等與金松寶等保證債務涉訟被告聲請回復原狀一案

主文

本件回復原狀之聲請駁斥

聲請費用被告負擔

中華民國十四年四月二十一日

一件 劉紀亭與張瑞五債務涉訟一案

主文

被告所欠泰豐成號膠秤銀三百二十四兩一錢應即償還原告並自民國十二年陰曆正月初一日起至執行終了日

一分二厘給息

原告其餘之訴駁斥

訴訟費用由被告負擔

中華民國十四年四月二十一日



一件 王氏與于之泉等離婚一案

主 文

原告之訴駁斥

訴訟費用由原告負擔

中華民國十四年四月二十三日

一件 于治泉與于王氏同居一案

主 文

原告之訴駁斥

訴訟費用由原告負擔

中華民國十四年四月二十二日

一件 趙文和與王德恩追還贓物一案

主 文

原告之訴駁斥

訴訟費用由原告負擔

中華民國十四年四月二十四日

## 本報啓事一

本報雖係公報性質而以發展工商業爲主旨凡在本報刊登廣告者特別歡迎

## 本報啓事二

本報刊登廣告具兩大特色一訂閱本報者多係工商界鉅子可作極有力量之介紹一本報暢銷百七縣及各大商埠登載廣告可以普及全國

## 本報廣告價目表

- 一 凡在本報刊登廣告以四十二字起碼爲一行不足四十二字者按一行計算
- 一 登一期者每行收大洋二角登兩期者三角五分四期者六角一月者一元
- 一 登至二十行者均按八折計算
- 一 登半年者概以六折計算其因公益及公務事項刊登者無論久暫均按六折計算
- 一 刊登常年者另議特減
- 一 若用大字及印登商標者均照登佔面積計算刊工另議酌加